



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

Processio pro gratiarum actione.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

✠. Domine exaudi orat. &c.

✠. Dominus vobiscum.

Oremus.

Ne despicias omnipotens Deus, populum tuum in afflictione clamantem, sed propter gloriam nominis tui, tribulatis succurre placatus.

Ineffabilem misericordiam tuam, Domine nobis clementer ostende, ut simul nos & à peccatis omnibus exuas, & à poenis quas pro his meremur eripias.

Concede nos famulos tuos quæsumus Domine Deus, perpetuâ mentis & corporis sanitate gaudere, & gloriosâ beatæ Mariæ semper Virginis intercessione, à præsentī liberari tristitiâ & æternâ perfrui lætitiâ.

Tribulationem nostram quæsumus Domine, propitius respice, & iram tuæ indignationis, quam justè meremur, averte.

Deus refugium nostrum & virtus, adesto piis Ecclesiæ tuæ precibus, author ipse pietatis, & præsta, ut quod fideliter petimus, efficaciter consequamur. Per Dominum &c.

PROCESSIO PRO GRATIARUM ACTIONE.

Initio processionis cantatur hymnus.

Te Deum laudamus.

R

Te

Nb omika
TE Deum laudamus : te Dominum confi-
 temur.

Te æternum patrem : omnis terra vene-
 ratur.

Tibi omnes Angeli : tibi cœli & universæ
 potestates.

Tibi Cherubin & Seraphin : incessabili voce
 proclamant.

Sanctus , Sanctus, Sanctus : Dominus Deus
 Sabaoth.

Pleni sunt cœli & terra : majestatis gloriæ
 tuæ.

Te gloriosus Apostolorum chorus.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum , sancta confitetur
 Ecclesia.

Patrem immensæ majestatis.

Venerandum tuum verum & unicum filium.

Sanctum quoque paraclitum spiritum.

Tu rex gloriæ Christe.

Tu patris sempiternus es filius.

Tu ad liberandum suscepturus hominem: non
 horruisti Virginis uterum.

Tu devicto mortis aculeo : aperuisti creden-
 tibus regna cœlorum.

Tu

Tu ad dexteram Dei sedes : in gloria patris.

Judex crederis esse venturus.

Te ergo quæsumus tuis famulis subveni : quos pretioso sanguine redemisti.

Æternâ fac cum Sanctis tuis : in gloriâ numerari.

Salvum fac populum tuum Domine : & benedic hæreditati tuæ.

Et rege eos , & extolle illos usque in æternum.

Per singulos dies benedicimus te.

Et laudamus nomen tuum in sæculum : & in sæculum sæculi.

Dignare Domine die isto : sine peccato nos custodire.

Miserere nostri Domine: miserere nostri.

Fiat misericordia tua Domine super nos: quemadmodum speravimus in te.

In te Domine speravi : non confundar in æternum.

Deinde dici poterunt psalmi, qui sequuntur, prout tempus feret.

Psalmus. 65.

Jubilate Deo omnis terra, psalmum dicite nomini ejus: date gloriam laudi ejus. &c.

R r 2

Psal-

Psalmus. 80.

Exultate Deo adiutori nostro : jubilate Deo Jacob. &c.

Psalmus. 95.

Cantate Domino canticum novum : cantate Domino omnis terra. &c.

Psalmus. 99.

Jubilare Deo omnis terra : servite Domino in lætitia. &c.

Psalmus. 102.

Benedic anima mea Domino : & omnia quæ intra me sunt, nomini sancto ejus. &c.

Psalmus. 116.

Laudate Dominum omnes gentes. &c.

Vel

Laudate Dominum de coelis. &c.

Vel Canticum Daniel. 3.

Benedicite omnia opera Domini Domino. &c.

Vel Canticum Zachariæ. Luc. 1.

Benedictus Dominus Deus Israël. &c. pag. 179.

Hæc supradicta prout longitudo itineris postulaverit, ex parte solum cantari possunt. Deinde in Ecclesia ubi fit statio ante altare dicuntur sequentes Versus.

V. Benedictus es Domine Deus patrum nostrorum.

R. Et laudabilis & gloriosus in sæcula.

V. Benedicamus patrem & filium cum S. Spiritu.

R. Lau-

- R.** Laudemus & superexaltemus eum in sæcula.
V. Benedictus es Domine in firmamento
coeli.
R. Et laudabilis, & gloriosus & superexaltatus in
sæcula.
V. Domine exaudi orationem meam.
V. Dominus vobiscum.

Oremus.

Deus cujus misericordiæ non est numerus, & bonitatis infinitus est thesaurus: piissimæ majestati tuæ pro collatis donis gratias agimus, tuam semper clementiam exorantes, ut qui petentibus postulata concedis, eosdem non deserens ad præmia futura disponas.

Deus qui corda fidelium sancti Spiritûs illustratione docuisti, da nobis in eodem spiritu recta sapere, & de ejus semper consolatione gaudere.

Deus qui neminem in te sperantem nimium affligi permittis, sed pium precibus præstas auditum: pro postulationibus nostris, votisque susceptis gratias agimus, te humiliter deprecantes, ut à cunctis semper muniamur adversis. Per Dominum &c.

R r 3

DE